

Sakspapir

Saksbehandler	Arkiv	ArkivsakID
Ove Sæbø	FE-223, FA-U01	21/214

Saksnr	Utvalg	Type	Dato
008/2021	Næringsfondsstyret	PS	21.10.2021
012/2021	Næringsfondsstyret	PS	04.11.2021

Søknad om stønad til streamingsutstyr - Nese Media

Forslag til vedtak:

Modalen kommune v/ næringsfondet løyver kr. 98 657,- i tilskot til Nese Media. Følgande vilkår gjeld:

1. Tilskotet skal nyttast i tråd med søknad og vedlegg d. 20.09.21.
2. Tilskotet vert utbetalt på grunnlag av medgåtte dokumenterte kostnader.
3. *Startegisk næringsplan 2017 – 2021 for Modalen kommune og Vedtekter for næringsfondet* ligg til grunn for vedtaket. Viser m.a. til § 3 som omhandlar tilbakerapportering til kommunen.
4. Tilskot gjennom næringsfondet vert nedskrive over 5 år. Ved sal av varige driftsmiddel/verksemd/tilskotsgrunnlag før dette tidsrommet er ute, skal kommunen ha tilbakebetaling i høve den tid som er gått – til dømes vil sal etter 3. året tilseie at kommunen skal ha tilbakeført 2/5 av tilskotet.

Saksopplysningar:

Bakgrunn

Nese Media søker kr. 117 314,- i tilskot til innkjøp av streamingutstyr/kamera. Samla kostnad for prosjektet er rekna til kr. 197 314,- kor kr. 80 000,- vert finansiert av søker sjølv.

Forretningsidèen er å tilby komplett pakke av medierelatert innhald innanfor marknadsføring og formidling av arrangement i digitale kanalar. Dette inneber for verksemda å ta straeming av arrangement, konsertar, møter og gudstenester til eit nytt og betre nivå.

Søkar viser til at løysinga som i dag vert nytta er tungvint, men at ved nytt moderne utstyr kan ein vente seg meir effektiv arbeidsform. Det vil kunne gje moglegheit til fleire live-sendingar til ein lågare pris, fleire strømmingar, fleire moglegheiter og betre kvalitet. Dette vil vere ei viktig investering for

verksemda for å oppnå ei 100 % stilling (sysselsetjing).

Vurdering

Strategisk næringsplan for Modalen kommune(SNP)

SNP peiker på at Modalen vil styrkje fokuset på gründerverksemd og morgondagen sine arbeidsplassar. Rådmannen si vurdering er at søkjar er i tråd med dette. Fokusområdet IKT syner til at det skal framhevast og støttast opp under aktørar som fremjer IKT-baserte nyvinningar/løysingar. Nese Media har over tid – og stegvis – synt at verksemda skapar nye løysingar som marknaden vil ha. At verksemda no nærmar seg å sysselsetje 1 person i 100 % stilling underbyggjer dette. Verksemda er også aktuell bidragsytar til *reiselivet* i Modalen (fokusområde i SNP) gjennom å tilby m.a. heimesider. Under fokusområdet *Gründer, etablering, entrepenør og innovasjon* finn ein at Nmodalen skal vere nytenkjande og utviklingsorientert. Verksemda syner etter rådmannen si vurdering slik utviklingsorientering.

Vedtekter for næringsfondet

Vedtektene peikar på at sentrale kriteriar for tildeling av stønad frå næringsfondet er knytt til sysselsetjings- og busetnadseffekt, og tiltak som fører til nyskaping/vidareutvikling av verksemdar. Rådmannen si vurdering er at tiltaket fell inn under føremålet fordi det over tid har utvikla seg ein kompetansearbeidsplass som no nærmar seg ei 100 % stilling. Dette bidreg også til at søkjar kan halde fram med å bu og arbeide frå Modalen – og tryggjer også busetnaden for evt. tilhøyrande familie.

Økonomi

I søknaden er det vist til samla kostnadar for prosjektet på kr. 197 314,- kor søkjar sjølv bidreg med kr. 80 000,- (40,6 %) av den samla finansieringa. Rest som er søkt finansiert ved hjelp av næringsfondet vert kr. 117 314,- (59,4 %).

Eigensfinansieringa er relativt høg, noko som underbyggjer at søkjar sjølv også tek risiko. Det gjev tillit til prosjektet.

I SNP er det vist til kategoriane 1, 2 og 3. Kategori 3 gjev samla stønad inntil 50 %. I særlege tilfelle kan stønad tildelast utover kategori 3. Rådmannen si vurdering er at tiltaket kan plasserast i kategori 3 – inntil 50 % stønad. Det utgjer kr. 98 657,- i stønad.

Konklusjon

Rådmannen rår til at søknaden frå Nese Media vert støtta med inntil kr. 98 657,- i tilskot. Stønaden vert knytt til søknad d. 20.09.21 med vedlegg.

Næringsfondsstyret - 008/2021

NF - behandling:

Ordførar ba Næringsfondstyret om ei vurdering av hans habilitet i saka. Ordførar informerte om at han og søkjar har ein relasjon som vener. Ordførar forlot møtet og varaordførar leia diskusjonen om ordførar var habil. Næringsfondstyret var nøgd med at ordførar informerte om relasjonen til søkjar, men var samrøystes i vedtaket om at ordførar ikkje var ugild. Ordførar leia så saka vidare.

Kristin Nåndal foreslo å utsetje saka til 4.november, grunna kort tid til å setje seg inn i søknaden, då saka ikkje vart sendt ut til Næringsfondet tidlegare enn dagen før møtet.

Samrøystes vedteke

NF - vedtak:

Saka vert utsett til 4. november på grunn av sein utsending og kort tid til førebuing

Næringsfondsstyret - 012/2021

NF - behandling:

Ove Sæbø orienterte kort om søknaden og svara på spørsmål.

Ann-Jorunn Farestveit stilte spørsmål om MVA berekning/frådrag på søknadar til Næringsfondet, då søkjarar kan få MVA refusjon på innkjøp o.l. Ove Sæbø svara at dette ikkje vert teke stilling til under handsaming av søknader, og at tilskot vert tildelt inkl MVA.

Samrøystes vedteke

NF - vedtak:

Modalen kommune v/ næringsfondet løyver kr. 98 657,- i tilskot til Nese Media. Følgande vilkår gjeld:

1. Tilskotet skal nyttast i tråd med søknad og vedlegg d. 20.09.21.
2. Tilskotet vert utbetalt på grunnlag av medgåtte dokumenterte kostnader.
3. *Startegisk næringsplan 2017 – 2021 for Modalen kommune og Vedtekter for næringsfondet* ligg til grunn for vedtaket. Viser m.a. til § 3 som omhandlar tilbakerapportering til kommunen.
4. Tilskot gjennom næringsfondet vert nedskrive over 5 år. Ved sal av varige driftsmiddel/verksemd/tilskotsgrunnlag før dette tidsrommet er ute, skal kommunen ha tilbakebetaling i høve den tid som er gått – til dømes vil sal etter 3. året tilseie at kommunen skal ha tilbakeført 2/5 av tilskotet.

Vedlegg:

resultset_533_796_vedlegg4.pdf

resultset_533_796_vedlegg3.pdf

resultset_533_796_vedlegg2.pdf

resultset_533_796_vedlegg1.pdf

Næringsfondet søknad om streamingutstyr

Næringsfondsvedtekter - vedteke i KS 21.09.17

Strategisk næringsplan 2017 - 2021, vedteken i KS sak 045-2017